

阿叔

孔子曰:三十而立，四十而不惑，五十而知天命。不過我就話如果有一日，你見到一個仲大過你一嘅阿婆揸住支拐杖問你，"阿叔"請問郵局係咪喺前面嘅時候，你就會發覺唔止係五十而知天命，仲有係五十而知大鑊，今日個阿婆就係咁叫我一聲，我突然醒一醒，望咗塊鏡成分鐘，果然有個阿叔喺前面對住我。

原來不知不覺已加入了阿叔行列，如果一個少女叫你阿叔，不能作準，因年紀相對年輕，他15，你25，也可能叫你一聲阿叔，這是虛火，但係資深70歲阿婆叫你一聲"阿叔"為之確據，絕對無走雞。

其實稔深D都有跡象，好似依傢驗血多咗，血壓高咗，膽固醇勁咗，記性弱咗，講野煩咗，行得慢咗，着衫差咗，耐性急咗，食野小咗，最慘係口水多咗，條命相對短咗，同死神見面嘅時間近咗！

不還孔子其實講得好鬼正，五十而知天命，即係講話做人做咗五十年，死就一世，唔死就大半世，睇怕都大概應該知道個天想你點卦，雖然未到隨心所欲，但都會明白順其自然。

我心目中嘅阿叔係人生嘅智慧實踐期，因為上咗人生上半場嘅功課，課程包括世途險惡，三思後行，真心說誠實話，勤有功戲無益，愛人如己等等，話明實踐期，所以依傢先至係做野嘅時候，之前都係實習生，今日係伙記，老板係個天，所以係知天命，明未！（自問）